

VENDIM
Nr. 32, datë 23.1.2019

**PËR DISA NDRYSHIME DHE SHTESA NË VENDIMIN NR. 1299, DATË 16.12.2009,
TË KËSHILLIT TË MINISTRAVE, “PËR MIRATIMIN E STRUKTURËS, TË
ORGANIKËS DHE TË NUMRIT TË PUNONJËSVE TË SHËRBIMIT TË GJENDJES
CIVILE NË BASHKI/NJËSI BASHKIAKE/KOMUNA DHE NË DEGËT E
QARQEVE”,
TË NDRYSHUAR**

Në mbështetje të nenit 100 të Kushtetutës dhe të nenit 62, të ligjit nr. 10129, datë 11.5.2009, “Për gjendjen civile”, të ndryshuar, me propozimin e ministrit të Brendshëm, Këshilli i Ministrave

VENDOSI:

1. Në vendimin nr. 1299, datë 16.12.2009, të Këshillit të Ministrave, të ndryshuar, bëhen ndryshimet dhe shtesat, si më poshtë vijon:

a) Kudo, në titull dhe në tekstin e vendimit, fjalët “... njësi bashkiake/komuna ...” zëvendësohen me “... njësi administrative ...” dhe fjalët “... zyrat e gjendjes civile në degët e qarkut/rrethi ...” zëvendësohen me “... zyrat e arkivit të gjendjes civile pranë prefektit të qarkut ...”;

b) Në pikën 4, numri i zyrave të gjendjes civile bëhet 394;

c) Pas pikës 4 shtohet pika 4/1, me këtë përmbajtje:

“4/1. Dokumentet aktlindje, sipas modelit nr.1, dhe aktvdekje, sipas modelit nr.3, të lidhjes nr.1, bashkëlidhur vendimit nr. 332, datë 17.3.2010, të Këshillit të Ministrave, “Për përcaktimin e formës, të elementeve përbërëse, mënyrës së mbajtjes e afatit të përdorimit të dokumenteve bazë, që mbahen dhe lëshohen nga shërbimi i gjendjes civile”, të ndryshuar, mbahen edhe nga nëpunësit e gjendjes civile të atashuar pranë institucioneve të shërbimit spitalor publik dhe privat, ku kryhet lindja (apo ndodh vdekja e foshnjës), nën juridiksionin territorial të bashkive.”.

ç) Në pasqyrën nr.2, në tabelën e organikës së shërbimit të gjendjes civile për Bashkinë Tiranë, rreshtat me numrat 19, 20 e 21 ndryshojnë si më poshtë:

Nr.	Bashkia Tiranë	ZG JC
19	Njësia Administrative Dajt dhe Dajt/1	2
20	Njësia Administrative Farkë dhe Farkë/1	2
21	Njësia Administrative Kashar dhe Kashar/1	2

2. Ngarkohet Ministria e Brendshme për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Edi Rama